

榮縣志卷三十

人物志

行誼

古者鄉舉之法考其德行道藝而品行尤重榮白漢以後行誼一册代有偉人

國朝景運昌明人才益盛凡嘉言懿行卓卓可傳者烏可不臚列之以為閭里矜式志行誼

漢費貽

華陽國志費貽字奉君犍為南安縣人漢末公孫述據蜀聞貽賢徵之貽漆身為癩佯狂以避述亡光武徵為臺輔輔太子後拜合浦太守蜀中歌之曰節義至仁費奉君不事亂世不避惡名修身于蜀紀名亦足後世為大族案華陽國志謂犍為南安人以漢時榮即南安縣地隸犍為郡也全蜀志謂起為蜀

榮縣志

卷三十 人物志 行誼

郡太守
非是

費詩

三國志本傳費詩字公舉犍為南安人也劉璋時為縣竹令先主攻縣竹時詩先舉城降成都既定先主領益州牧以詩為督軍從事出為犍為太守還為州前部司馬先主為漢中王遣詩拜關羽為前將軍羽聞黃忠為後將軍怒曰大丈夫終不與老兵同列不肯受拜詩謂羽曰夫立王業者所用非一昔蕭曹與高祖少小親舊而陳韓亡命後至論其班列韓最居上未聞蕭曹以此為怨今漢王以一時之功隆宗於漢升然意之輕重寧當與君侯齊乎且王與君侯譬猶一體同休等戚禍福共之愚為君侯不宜計官號之高下爵祿之多少為意也僕一介之使銜命之人君侯不受拜如是便還但相為惜此舉動恐有後悔耳羽大感悟遽即受拜後羣臣議欲推漢中王稱尊號詩上疏曰殿下以曹操父子偏主篡位故乃羈旅萬里糾合士眾將以討賊今大敵未克而先自立恐人心疑惑昔高祖與楚約先破秦者王及屠咸陽獲子嬰猶懷推讓况今殿下未出門庭便欲自立邪愚臣誠不為殿下取也由是忤旨左遷部丞昌從

事建興三年隨諸葛亮南行歸至漢陽縣降人李鴻來詣亮亮見鴻時蔣琬與詩在坐鴻曰聞過孟達許適見王冲從南來言往者達之去就明公切齒欲誅達妻子賴先主不聽耳達曰諸葛亮見顧有本末終不爾也盡不信冲言委仰明公無復已已亮謂琬詩曰還都當有書與子度相聞詩進曰孟達小子昔事振威不忠後又背叛先生反覆之人何足與書邪亮默然不答亮欲誘達以爲外援竟與達書曰往年南征歲未及還適與李鴻會於漢陽承知消息慨然永嘆以存足下平素之志豈徒空託名榮貴爲華離乎嗚呼孟子斯實劉封侵陵足下以傷先主待士之義又鴻道王冲造作虛語云足下量度吾心不受冲說尋表明之言追平生之好依依東望故遣有書達得亮書數相交通辭欲叛魏魏遣司馬宣王征之即斬滅達亮亦以達無欵誠之心故不救助也蔣琬秉政以詩爲諫議大夫卒於家孫盛蜀世譜曰詩子立晉散騎常侍自後益州諸費

晉費立

華陽國志費立字建熙犍爲南安人也父揖字君讓巴西太守立學義冲遠元靜沈嘿察孝廉王國

榮縣志

卷三十

人物志

行誼

中尉王年少好輕行遊觀立常正色匡諫及上疏諷喻辭義劇切合箴規之體出爲成都令縣名難治立莅之垂績以性公亮入爲州大中正除巴西太守不就轉梁益寧三州都督兼尚書值大駕西幸長安常與大臣居守在洛加員外散騎常侍封關內侯每准正三州人物品格褒貶帥意分規無復疏親莫不畏敬然委曲者多恨其繩墨數辭諸郡意在河秦汝穎久之朝議欲以爲荊州永嘉六年與子并沒於胡寇案此以立父名揖與蜀世譜異意常璩蜀人或較孫盛爲審也並存之

宋王伯琪

宋史王庠傳庠祖伯琪以義聲著於鄉州有鹽井籍民煎輸多至破產惟祿之家得免伯琪

請於州均之官戶而仕者誣訴之賫恨以歿

王夢易

宋史王夢易字潛夫伯琪子皇祐進士調緜州法曹遷青石令以包拯薦授右軍巡判官數雪

冤獄有異狀增秩除通判果州攝守初夢易父伯琪因均鹽法齎憾沒夢易力成父志時陳希亮判勾臨以聞還籍沒者三百五十家蠲歲額三十萬勦嘗攝興州舊例川茶募民運入秦民苦於役歲復乾沒數

萬夢易奏陳公私之便宜如驛傳法置茶鋪免民役歲課亦辦部刺史恨其議不出已鐫三秩罷歸築亭於雙溪之上

王顥

夢禾子熙寧進士以才行名官翰林學士與蘇軾友善承詔上時事忤權貴入黨籍紹興六年推其直特贈大中大夫子廷堅官至右朝奉大夫通判岷州河東制置司機宜

張昭及

灑水燕談錄榮州張昭及剛毅不畏強禦故為灑陽主簿陳堯咨聞而嘆曰張子一主簿而能如此他日當薦為御史使人召之昭及竟不見

楊九澤

元豐進士一門孝義鄉里稱之家產五色靈芝數十莖有端芝圖記今應靈遺址尚存應靈舊屬榮州故榮之雁塔題名有九澤名

王庠

宋史本傳王庠字周彥榮州人夢易子累世同居號義門母向氏欽聖憲肅后之姑也庠幼穎悟七歲能屬文儼如成人年十三居父喪哀憤深切謂弟序曰父以直道見擠母撫柩誓言期我兄弟成立贈

榮縣志

卷三十一

人物志

行誼

三

復父官乃許歸葬相與勉之且制科先君之遺意也吾有志焉遂閉戶窮經史百家書傳注之學尋師千里究其旨歸蚤歲上范純仁蘇轍張商英書皆持中立不倚之論呂陶蘇轍皆器重之常以經說寄蘇軾謂二帝三王之臣皆志於道惟其自得之難故守之至堅自孔子作六經斯道有一定之論士之所養反不逮古乃知後世見六經之易忽之不行也軾復曰經說一篇誠哉是言元祐中呂陶以賢良方正直言極諫科薦之庠以宋邦傑學成未有薦者推使先就陶聞而益加敬未幾當紹聖諸臣用事遂罷制科庠嘆曰命也無愧先訓以之行已足矣崇寧壬午歲應能書為首選京師蝗庠上書論時政得失謂中外壅蔽將生寇戎之患張舜民見之歎其危言下第徑歸奉親養志不應舉者八年大觀庚寅行三舍法於天下州復以庠應詔庠曰昔以母年五十二求侍養不復願仕今母年六十乃奉詔豈本心乎時嚴元祐黨禁庠自陳蘇軾蘇轍范純仁為知己呂陶王吉常薦舉黃庭堅張舜民王鞏任伯雨為交游不可人舉求仕願屏居田里以弟序升朝贈父官始克葬葬而母卒終喪復舉八行事下太學大司成考定為天下第

一詔旌其門朝延知其不可屈賜號廉遜處士尋改
潼川府教授賜出身及章服一日四命俱至竟力辭
不受雖處山林唱酬賦詠皆愛君憂國之言太后念
其姑嘗欲官庠以遜其弟姪及甥且以田均給庶兄
及前母之姊庠卒
孝宗諡曰賢節

尤袤 紹興中進士

楊仁 雅州府志紹興進士知雅州興學勸農士民德之
徵還民爭立祠畫像刻石於治所

勾龍傳 字明甫紹興進士以儒學名所著春秋三傳分
國紀事本末一書劉后溪序略曰傳博習詳考

又分國而紀之自東周而下大國次國特出小國滅
國附見不特紀其事與文而兼著其義凡採其說者
數十家蓋嗜古尊經之士確乎其能自信者也舊通
志謂夾江人今據縣雁塔題名列入

陳寧 舊通志淳熙進士調火井令羸疲之民戴若父母
囊橐之盜畏若神明

米邁 淳熙戊戌進士父綸練早卒邁事母以孝體父遺
命誓教選道造適四弟不成名不仕後四弟相繼

榮縣志 卷三十 人物志 行誼 四

成進士始調洪雅令有清介名案選舉志進士編宋
綸練宋麗光皆淳熙中第一甲四人乾隆中知縣黃
大本修縣志載宋邁父麗光嘉慶中知縣許源重修
縣志改麗光作綸練據列女編諸志載楊氏宋綸練
妻教五子皆成進士查進士編宋氏惟邁選道造適
乃成進士則宋邁之父似綸練為的

張震 字真父嘉定辛未進士累官右正言宰臣朱倬用
事震入朝引同列言上方行堯舜之道此人豈可
輔初政不去之必為天下患遂力攻之上初不聽時
競傳覃沛在學生員皆免解倬子端厚嘗肄業既蔭
補矣又頗欲緣在學人例竄名其閉震疏言其事遂
罷倬震緣此亦竟致仕歸

劉光 弱冠能屬文下筆縱橫滾滾不絕動遵禮法閒居
亦無惰容登寶慶進士調仙居令妻子不之官以
雪冤獄擢臺州郡人聞其來曰是仙居仙令也爭姓
香迎之賊吏望風奔走改知忠州老幼哭巷聚城門
使不得出累
官禮部尚書

明伍成章 洪武中明經任舊州訓導長於詩書永樂中與
修大典致仕歸年九十卒

胡子昭

彭汝寔胡忠節傳歲革除己卯我文皇帝內靖

顯開門迎降報入東門宮中悉自焚兵部尚書齊泰

潰奔從官勸進索傳國璽促草詔公與天臺方孝孺

黃子澄曾鳳翔何典寶十八人先後見執不屈斬於

錦衣街西市殆百五十年往跡幾沈宏治正德間始

有以諸公為言者時禁漸弛好事者刻備遺錄簿紀

諸公姓氏節略方公已得祀於其鄉公尚未有祠正

德丁丑御史臺峯熊君相集里中私諡題曰忠節祠

祀公城西垣宇卑隘尋復湮廢及兵憲江陰薛君甲

提刑川南所在振揚風紀乃聞代巡金君燦擇勝九

峯山改葺御史熊君爵所建書院為公專祠山川明

秀廟宇軒豁造化停注若有待者仍扁公堂額曰得

聖之清蓋以叩馬之心不愧伯夷而益光於我武之

揚也彼藉口管仲狐偃者視此何如耶買田鑄器以

公弟山東僉事志遠公女金奴附享祠下如湯陰故

事忠魂淪沒風雨淒然孰謂百年之下乃得聚享一

堂嗚呼悲哉嗚呼光哉祠定兵憲君謂汝寔曰段秀

實死事匪故老吏卒之言史氏昌黎子誰其書之矧

為諸君里人能無一言於祠下備逸史乎汝寔再拜

榮縣志

卷三十一

人物志

行誼

五

執贄率眾請文於兵憲君曰茲舉也上振國紀下揚

風教微君不張若汝寔者嘗欲捐第宅以復公祠而

未能徒以里閭好德之私僭公傳可乎公嘉定榮縣

與賢鄉人世居縣之東川洪武中舉明經任本縣儒

學訓導時孝孺在漢中公往從焉蜀獻王贈之詩曰

促裝何所往驅車入漢中欣然遊大郡况復依方公

學問日益富道德日益隆丈夫志遠大豈肯屈樊籠

他年升館閣步武接夔龍後升翰林檢討歷官兵部

侍郎死節靖難臨刑絕命詩曰金聲緩擊鼓聲忙監

斬官追上法場烙鐵火燒紅焰剛刀磨利白芒紫

一身刑憲標冥府九族伶仃各一鄉寄語朝中朱紫

貴鐵人無淚也心傷時縣中以黨錮戍遣抄沒者四

十八家親黨朋友凡四族矣公無子一女金奴沒為

官婢承樂六年大赦復其家天順初金奴歷事宮闈

年八十餘嘗念父祖無後頓首陳情於內宮乞骸骨

歸尋以禮部勘合欽賜放還安老於東川祖居之地

及卒族人胡大寬安葬焉先民有言兩朝臣子各終

其事耳回不可以去此而取彼也今夫大化流行四

時遞運花鳥感時亦各不齊是故木有背春花有忍

冬草有夏枯鳥有反舌蜩乃戢羽孰非造化一氣之

公哉永樂中有言建文故臣不順天命者時我文皇
曰彼食其祿各盡其心耳一無所問然則文皇固未
始不陰賞諸公之節而何深讐之也有嚴俎豆謂非
國典可乎公初名志高賜更子昭字仲常云逸史女
寔贊曰雪山鼎鼎清江泯泯公神歸來月明九頂歸
來公神薦我湖蘋革命之師實惟帝心自靖自獻得
聖之清有弟有弟金昆玉季愛及髮膚棄官存祀有
女有女義姬淑美老侍宮闈乞骸故里孤塚一杯照
我桑梓明史方孝孺傳建文初子昭與修太祖實錄
授檢討累遷至刑部侍郎羅廷唯胡子昭與修太祖實錄
字伯尚大足人初任榮縣訓導累升至兵部尚書臨
刑賦詩有云兩閒正氣歸泉壤一點丹心在帝鄉父
復初充邊軍妻王氏與女俱沒為奴長子繼次子績
俱坐死案福王時贈太子太保刑部尚書諡文愍
勝朝殉節諸臣錄乾隆四十一年 賜諡節愍案
子昭生處官銜及子幾人當參看陳塗崇仁祠記劉
應箕忠
孝祠記

胡子義

彭汝寔胡忠節傳子義原名志遠子昭弟亦以
薦舉為威遠訓導陞山東僉事尋乞就祿養親

榮縣志

卷三十一

人物志

行誼

六

改蜀府典寶未幾聞仲常死節懷商人照身引棄官
歸匿於丹稜民家蜀獻王知而憐之令削髮隱於僧
舍志遠曰吾受吾兄之教身體髮膚受之父母不敢
毀也時有二子曰貞鑑方數歲志遠曰嗚呼吾兄無
後也天果不絕胡氏祀二子當免於難遂棄去不知
所終有懷鄉二詩曰吾家望在白雲邊三五年來信
不傳花塢徑深苔薛合草堂門掩薜蘿懸深慚遊子
俱千里遙憶慈親各一天幾度欲歸歸未得新詩寫
作斷腸篇和義城東有故蹤淡煙芳草恨無窮一編
廢宅荒山下幾度殘蟬夕照中鄉國匪遙身自遠乾
坤雖大足難容早知天道無端的何不持竿作釣翁
觀二詩聲意悲壯志遠亦非凡士哉

龔匯

字文淵景泰癸酉舉人官徐州學正天順元年奏
請復建文廟於蓮宇山奏議碑存文廟內

吳道宏

景泰癸酉舉人天順丁丑進士官監察御史成
化開以南京大理寺少卿出撫鄖陽襄漢等處

時寇初平副都御史原傑相度地宜奏設一府一衛
八縣安集流民四十餘萬道宏代其任為屋以駐兵
者以萬楹計懇田以增稅者以萬斛計以功陞大理
寺正卿民立祠以祀子愚宏治乙卯舉人南鄭知縣

劉景爵

成化丁酉舉人未貴時嘗拾金還主後知歸州捐俸濟貧

何子奇

宏治壬子舉人官漢中府同知以清勤著

何魯

子奇子居父喪三年哀毀如一與弟分產器取其朽業取其薄教人一以誠敬為學居閒則效古人

投壺自適年四十貢國學讀書纂述不少置歸起東樓日引子弟訓誨其中務以古道自勵子顯淑嘉靖

丙辰進士姪穎淑甲子舉人案黃大本所修舊志作何魯嘉定府志作何于魯誤

楊易

字道元正德己卯舉人就武功訓導扶風蓋屋之士皆來從之嘉靖閒知湖南桂陽縣修縣志購藏

書貽儒學建養濟院升平涼府通判清介益勵以薦至京部歷官十一年妻子不隨調湖府湖紉綺之地

易筭不貯一絲歲餘轉兩浙都運司以疾致仕不能治裝還撫院行府資之歸閒居九年足跡不入城市

詩文亦古遠

劉宗明

選貢任岳州教授課士以忠孝節義禮讓廉恥為先以舉子業為後嘗謂人曰士子本立則末

榮

縣志

卷三十

人物志

行誼

七

舉矣及歸里囊無長物仍寒素風城居公門絕迹有囑託者輒謝絕之知縣楊崇扁其門曰高風可仰士

紳多師事之

曹賞

單縣丞翳之次子由貢生官蘇州教授以經義造

曹邁

賞子嘉靖壬辰進士授行人有事蜀藩王厚遺之絕不以一介累改南戶科給事中知寧國府固原

副使奔父喪以哀毀卒

楊鎔

嘉靖辛酉舉人乙丑進士官戶部主事刑部右給事中陞南京禮部郎中善屬文邑中碑版多出其

手

吳可賓

字惟敬年五十累試不售乃隨牒就試順天第

一充貢生入國子學數夢其母彭氏覺而泣曰吾親老而遠遊詎為愛日乎遂歸不復仕性孝友以成業讓兄容容歿撫其弱子而督之學歲饑收遺孩

養之近二百人歲熟乃遣之

黃紀賢

萬曆丙子舉人庚辰進士官浙江道監察御史

太僕寺少卿歷任鄭陽巡撫居官多善政子慎

童世彥

童之先楚孝感人國初遷於榮四世祖院邑庠

院生子五人次蒙弟蒙弟生誥封奉直大夫顏世彥

字士美號雙溪顏長子生而丰神秀異方面美髯魁

梧雄偉日若列星母張氏臨孕有賜牲之夢當育兆

雷電之祥三歲啓蒙即能誦讀弱冠遊庠離家就館

手口無稍暇中萬曆壬午舉人公車四上不第時其

父年已週甲祖八旬執世彥手曰吾欲速見汝仕也

遂銓夷陵下車鋤里魁以安保甲清冊戶以處流民

收溺骸賑饑民捐修官船數隻以利涉擒捕大江夥

盜裁換帖納銀之例革牙級賠累之苦清麥稅建社

倉建東山利以強主山火患不興郡人遂尸祝於此

剎建橋民呼為童公橋三年奏最旋署郡篆適值稅

礦使四出許者多賈禍世彥削其旗幟禁其侵欺瑤

不得逞晉藩庄田繡錯屬邑經管者額外肆求世彥

詳議有司徵解院司允其請互市江南出入有經餘

費千金概以報院庚子督理太原貢院捐行戶懲奸

吏節省之餘添號舍百餘閒仍有贏餘申繳藩司出

闈曰士民圖形拜祝結綵歡迎踴躍襄黎平大饑發郡

穀賑濟設粥食之全活數千人署長子夏初雨雹禾

稼盡毀世彥單騎撫視童叟環馬首泣告曰及今五

日內倘得早粟一種尚可望秋世彥即啟嚴散粟不

避專擅蓋聞而後發將不及也歲果大稔卸任時呼

號攀畱頂香羅拜者絡繹載道直指趙公列之首薦

榮縣志

卷三十一 人物志

行誼 八

布如革迤西小稅清太和里排禁鬼巫豁疑獄種種

金滄也兼攝四道案積如山判如流水無不畢傳電

兵備道改民所建祠為收生堂緣永俗賃屋而居者

孕婦不得產其室世彥聞而憐之故有是命其秉憲

建敬一亭以培人文郡民相與建祠誌感及攝金騰

奚暇他計自是狐假之輩斂迹修九龍池以興水利

奸人倚藉橫行當事者多忌器世彥曰吾有三尺在

昌府其俗屠牛成例稅以入守世彥禁之滇有沐鎮

已掠者放還柳俗城外無業儒者於是延師置塾七

閱月丁母艱去士庶欷歔流涕如失所天服闋補永

隄倡亂焚鄉掠市世彥設法擒勦捍禦遂相戒勿犯

隄鶴慶府歸家丁父艱丙午服闋入郡補柳州府儒

生

善政更僕難數竟以執法彊直致遭中傷歸無幾何
蕭曾作亂富順人爲賊據世彥捐金募士致書當道
竝約署富順教諭盧合兵勦賊會賊自威遠來寇領
兵者望風潰世彥親督所部兵力戰於城東屏風山
斬其魁生擒無數縣城保全富順亦藉以恢復時年
已八旬親兵革之事奠安桑梓當事偉之奏聞朝議
以原官起用竝資金士民建坊勒石以記德尤加意
作人一時俊傑如蜀中丞王公太史雷公太守吳公
榮經文公穎川李公皆其所推許不置者又故人蔡
德仁子流落爲傭世彥贖還之旋飄泊緇流復代爲
婚娶蔡氏賴以不絕躍龍橋在城南以鎖水口日久
圯世彥力主鼎新既成而甲第蟬聯在家動必以禮
卒年八十有一卒之夕有星如火隕於室西北隅子
養淳萬歷丙午舉人廣州府通判孫琳崇禎丙子舉
人案省志作章彥誤○
據童氏家譜入鄉賢祠

簡文瑞

萬歷丙午解元天啓乙丑進士官吏部文選司
郎中姓勅亦乙丑進士戶部主事有重建文廟

碑記

榮

縣

志

卷三十

人物志

行誼

九

簡仁瑞

明史本傳字季麟崇禎舉人歷官西安同知遷
平涼知府十六年冬賊入關諸王及監司以下

官謀遁走仁瑞謁韓王曰長安有重兵訛言不足信
殿下輕棄三百年宗社欲何之縱賊壓境延寧甘涼
諸軍足相援必不能支同死社稷亦不辱二祖列宗
王不從是夕其護衛卒謀挾王及諸郡王宗室斬關
出奔脅仁瑞行仁瑞曰吾平涼守也吾去誰與守眾
遂去瑞乃撤四關居民入城以土石塞門爲死守計
未幾賊檄至乃召所活死囚數輩謂之曰吾昔嘗生
汝汝亦有以報我乎皆對曰唯命卽托以幼子令衛
出明日賊抵城下士民數人草降書乞僉名署印仁
瑞怒叱責之正衣冠自經堂上平涼旣陷屬城悉降
華亭教諭鄒姓者援曾子居武城義欲避去訓導何
相釗止之曰吾輩委質爲臣安可以賓師自待乃率
諸生共守及城陷與教諭皆殉難陝西通志崇禎壬
午以京兆郡丞署蓋屋篆邑方罹兵燹閭里邱墟仁
瑞極意撫綏釐剔奸蠹豪宗悍弁悉束以法時旱魃
爲災仁瑞疏廣濟諸渠溉田寇據南山設法勦除危
城以安造士課業勉以行誼新令至復旋京兆十民
如失慈母一勝朝殉節諸臣錄乾隆四十一年丙申

恩賜諡節愍按明史謂崇禎舉人嘉定府志謂天啓中進士考舊通志舊縣志皆作天啓丁卯舉人進士編無其名甘肅通志作成都人誤

李國柄 以選貢任蒙化府經歷秩滿歸甲申獻賊陷成都榮亦被兵偽官至數月國柄與子元吉庠生亨吉廩生誓不順賊死

李亨吉 賊至被執不屈膝問曰爾膝不屈尚欲何為亨吉曰吾膝所屈者惟天地君親師耳未有屈於賊者賊令斷其足筋亨吉伸足受刃止之令煎水灌舌亨吉張口以受賊又止之割兩耳授亨吉亨吉曰父母遺體嚼吞之檻送成都至死罵不絕口

余智 宜賓縣志榮縣舉人甲申賊至被執不屈死案舊志舉人無余智名亂離之後遺失者多矣

丁孝孫 失名年十餘歲割股愈祖母疾

程崇德 祖母病篤割股以救愈有司旌其門據黃大本所修舊志作程崇德省志府志缺德字似誤

張世恩 年十歲母饒氏病篤籲天求代割股救之愈御史黎某題其宅曰張孝童之門母故廬墓三年有樹生墓上如蓋人以爲純孝之感子維嘉靖甲子科第三名舉人

王維屏 祖病割股以救得愈不數年父病醫不治屏又救祖者救之亦愈甲申賊踞榮城一夜縛紳士盡戮之屏以前一日出城負米得免於難及歸賊竟釋之案舊志忠孝祠內作庠生王維屏

國朝鄒太元 季芝鄒玉川善行錄鄒玉川先生名太元遭明季荒亂拮据戎馬二十年未讀詩書平定回里其胞兄失散聞爲流賊所獲玉川征塵未浣悲痛踰日卽束裝傾囊百計贖歸值從弟誤殺人罪當大辟玉川易產護救伊家謂能保殺人命者必先入投爲奴玉川慨然請眾立約願爲伊家奴以贖弟罪旁觀服其義爲之排解而弟得免先世業鹽井善會計井日阡陌連封數十里隣人黃朝者狡黠多詐見其田地殷富潛入本縣撥糧吞占田數十畝玉川有子八人多才幹至縣分辨令械黃朝坐獄責杖三十玉川見朝本隣居爲已地受重刑不忍卽以所爭地與朝諸子難之曰吾之地本多何需此且人能爲不善者

其心難測吾以此除後患不亦可乎朝本欲以此害
玉川既感厚德即以移害倪某倪亦多田地因朝故
延禍四年諸子始服其遠識宅後有楊姓夫婦孤貧
樹桃營生有某姓子竊楊桃其妻出呼驚墜樹死玉
川往顧則楊氏夫婦俱自縊堂前幾絕急下之詢其
狀囊空無有時鎮井厥者趙總兵刻苦竈民貪賄更
甚玉川嘗多餽遺至是袖五百金為楊氏分解趙即
鎖楊夫婦日夜拷掠詢其與玉川金數蓋疑其於中
得賂也遂拷掠無有始滅其罪嘆服久之玉川乃從
容於趙前言竈民苦楚勸其恤刑施惠趙既服其義
言無不從一洗從前舊習後趙遇罪免為庶人其子
帝簡困甚易名河中挽船玉川熟視之曰子非故人
趙某子乎帝簡以實對延歸踰月為製衣服行裝贈
金二百命治產讀書平生忠厚待人顧利害家中
使女有與所私人逃者諸子追三日並獲之欲送縣
懲治玉川謂吾當親行至半途謂曰汝亦人形何故
為此不法其人跪云一時之差故至是今已悔無及
矣曰汝能悔吾不汝責遂釋去以使女歸閱月有狡
獮人至門曰某乃吾姪也汝何故因使女殺吾姪玉
川不能辨與金三百不許徑至縣令前訴之適其人

榮縣志卷三十人物志行誼士

出自呈冤乃白于狡獮人亦不較也明末饑饉有貧
人願與為奴及平定欲叛去玉川曰汝本良家子可
好去後其人相見多驕態諸子姪欲治之玉川曰此
吾意彼何能為汝等如再言是與吾對也少識字喜
人讀書每年延師教子孫誠敬交致孫登科者六人
貢成均入邑庠者接踵

詹應梧字棲鳳性友愛明末寇亂與同族某轉徙避兵
康睽念同族輒流涕欲遠出尋覓家人以年邁阻之
不可請代其役亦不可躬親跋涉者數年始蹤跡得
之成都磨厰灣時族某年四十矣與人傭工急引歸
為娶室復析已產以與之

鄒養浩康熙初庠生吳逆據蜀屏居抗節蜀平舉於鄉
仕重慶府訓導課士一以忠孝為先

劉世璋康熙癸卯舉人榮自經明末流寇之亂文獻缺
如世璋修復學宮纂修邑志四卷

吳良璧字夢星康熙壬子副榜吳逆叛據時網羅人士
良璧隱居山中教授生徒吳逆平出為丹稜教

諭

張容

字心如康熙甲子舉人官安徽青陽令廉潔不苟解組日貧甚青陽民斂金以資其歸家居授徒青巖山四方學者輻輳及門時健為井研諸邑掇巍科者半其弟子其教人本經術以為文章故遊其門者文行多所成就云著有九華山志青陽宦蹟草二卷榮縣志若干卷

楊州英

康熙庚午舉人任廣東昌化縣在官聞父樞病篤急請歸侍父沒哀毀骨立

吳孔章

字紹菴良璧子康熙癸酉舉人歷官尉氏龍里知縣乾隆癸酉知縣黃大本舉鄉飲酒禮聘充大賓鄉居二十八年不

鄒珩

字石若康熙丙子舉人福建建陽縣知縣少時母早卒繼母舒氏生一子於珩衣食故從豐反逾已子珩雖受之暗給少弟維均冬夜讀書以己衣為弟禦寒護惜備至舒屢窺見信其友愛之誠自悔矯情由是一視人咸謂珩之孝友所感可為異母者法乾隆元年具題入忠孝祠見鄒氏家譜及嘉慶十年回覆部咨文嘉慶中知縣許源修舊志於忠孝祠內列其名于行誼編又云從祀鄉賢祠誤

榮縣志

卷三十

人物志

行誼

十一

黃松

字翠含康熙癸巳舉人任陝西莊浪縣居家孝友持躬正直乾隆丙子知縣黃大本聘充鄉飲大賓

鄒昌炳

字德玉康熙中由楚入蜀途間拾金四百坐待其人還之置業於榮後歸楚取譜以修世系培修先代墓其他濟困扶危矜孤恤寡尤加厚於族中子姪卒年八十有九子六錫璠錫瑞錫現錫璋錫鐸署椽員錫璫又名赤心任紹興府經歷署山陰上虞會稽諸暨等縣姪錫連由歲貢任溫江縣儒學皆其所植

吳履晉

字接三由拔貢中雍正己酉舉人任江西龍泉縣視躬正直愛民如子致仕歸以讀書教子為事子懋敬歲貢任內江訓導

謝朝玉

性至孝家貧奉養無缺居親喪朝夕悲號三年不入內室後以明經任大竹訓導

龔飛熊

廩生循循雅飭乾隆癸酉鄉飲介賓是年九十歲子斯奕斯宗孫凌俱庠生

劉洪瑞

年高德劭充乾隆癸酉鄉飲眾賓是年九十五歲

鄒仕權 廩生忠厚老成充乾隆丙子鄉飲介賓

劉祥瑞 鄉鄰重望充乾隆丙子鄉飲眾賓

謝朝選 富而好義敦睦宗族生平無一字到訟廷子五

位庠生四其名增生五其壽監生乾隆元年丙長恭

黃聯芳 居心忠厚處世和平事親以孝聞多義舉城東

飛仙橋火圮獨力修復並命子若孫世守遺規

不得借資他姓子二長成章庠生次來章監生乾隆

元年恭逢 覃恩賞八品頂帶卒年八十有八監

生國樑其 曾孫也

鄒發魁 事親最孝乾隆二十四年母胡氏病篤發魁夜

半焚香禱天割股以進母食之旋愈後父母卒

哀痛亦過尋常子二 學富庠生學明廩生

黃鍾秀 年六歲失怙恃祖父際達撫之成人後祖病百

藥罔效鍾秀割股救之

林元貢 少由粵來蜀成家於榮娶李氏生子七皆樸實

謹醇教以耕讀凡遇 鄉黨親友爭競事平情勸

解乾隆中軍需浩繁有力 不能應者代為完納卒年

九十孫志高增生元孫 狝鳳武庠生

何良書 性極孝祖母八十九歲病亟引刀剖腹肝出割

而救之數日後飲食如故嘉慶十二年署令周

宏濂謂其至 誠感神旌之

皮世鳳 慕義輕財前後施棺木百餘具凡因公建造無

不慷慨樂輸

李廷元 監生嘉慶十年冬施米數十石十一年十二年

冬施寒衣二百件捐銀二百兩修牛尾河全龍

難場石 板路

蕭再鳳 嘉慶十二年冬與弟丹斌施米數十石修沙河

塹路五百餘丈鳳子汝呈監生

劉元桐 庠生長厚至誠乾隆九年拾李姓銀百兩坐待

原主退還絲毫不昧五十五年子文保文化拾

黃姓銀一百二十兩亦令如數交還是年二子俱遊

庠四十二三年捐米賑荒鄉鄰中有疾病殘廢者無

榮 縣志 卷三十 人物志 行誼 三

不施藥療治卒年八十有六子六長文保次文化五
文仕邑增生六文僕益生三文伸四文侯俱業儒
吳占超 庠生兆庠子以武庠寄籍華陽効力督標中營
府長樂縣王家坪遇害勘語奮勇殺賊矛傷陣亡卹
以京制外委

張典

字徽五號丹崖例貢生少孤仲兄異撫之成立典
事兄如父雖盛暑嚴寒侍立不倦兄歿事寡嫂凡

與賓相繼歿典痛仲兄之嗣以次子儒鵬為兄後析
產多與之曰此雖吾子然既承兄祀厚之所以報吾
兄也伯兄洞早卒無嗣又以其子軒鵬子之賓字兩
姪婦守節各以其孫子之族姪某歿為撫其孤鄰人
李姓子歿亦時周其孀母恤其遺孤處事有幹才邑
中要務當事者無不與商嘉慶庚申達州教匪倡亂
遠近諸邑俱震懼典與知縣龔巽建議於城外修來
安東匯兩寨為城內聲援城門譏察出入編保甲練
團勇備器械料倉庫為守禦計至今父老咸以為籌
畫得宜性剛急疾惡如仇見人有悖理事輒罵罵其
人能改遇之如初兼習岐黃術活人無算有袖金以

榮縣志

卷三十

人物志

行誼

古

謝者拒弗受有田數頃招佃不索重租聞其卒無不
流涕生平重道尊師不吝脩脯所手抄書不下數百
卷暑月汗流遍體蚊蚋螫膚不少較殘冬晝短雞鳴
而起展卷長吟為諸子倡屆試期無不偕往其子士
鵬青鵬俱廩生麗鵬庠生出繼子儒鵬例貢生軒鵬
道光乙未舉人甲辰大挑分發湖北知縣諸孫亦有
入郡庠者族中子姪貧不能誦
讀者給以薪米故所成就尤多

張應鵬

字扶萬號玉山乾隆丙午舉人事孀母孝有舞
綵風撫孤弟友愛畢至訓之成名居恆礪廉隅

恥干謁輕財重義和睦鄰里教人必先品行一時受
裁者咸知立品卒之日威遠鄒德瑛輓云勿嗤道學
欠風流若論文章真作者及門丁光瓚輓云公門無
事慵投刺處世多情為睦鄰士林稱其端方正直其
行誼有足多者

張元鵬

字春仁庠生四齡失怙便能承順慈顏兄應鵬
出繼叔嗣計偕北上元經理兩家事母與叔母

無二諸親友往來其家亦不知其已析爨後因母善
病棄舉子業畱心湯藥數年不離左右遂工岐黃術

歲活數百人族姓某因家落以田產求售謝之曰吾不能賑汝而買汝田何以對先人及勢不能辭曰吾惟佃與汝輩耕種當吾世不汝取也有侵佔其田土者不與校富順舉人黃靖圖姻親也赴任雲南資斧不給曾託借銀二百餘兩後黃俸薄難給數年累息甚重元將田出售代還其債及黃解組歸仍置不問子孫輩有欲索取者輒嚴詞責之生平以濟人為念遇奇證他人不能治者活之貧困不能買藥者周之常以治家格言程子四箴二十四孝訓後子孫十餘人延師課讀不惜費年八十餘猶時作制藝以課諸孫見者謂其丰神韶秀無異少年文字云

譚仁源

字長卿乾隆壬申舉人與訥季子少貧苦好讀書中乾隆丙午副榜曾從鄧錫綸學鄧宦楚物

故遺二子衷恆寶謙無力就傅令入館就學凡日用薪米及應試資斧皆力任之二十餘年無異後均入邑庠衷恆由廩入貢皆其力也生平剛直任南川教諭解組後年將九十尚手不釋卷

吳贊

字美若乾隆己酉舉人任合州訓導善引後進有某生為負債二千餘金知州某欲褫其衣頂贊力

樂

縣志

卷三十

人物志

行誼

五

陳其無大罪竟得免又教諭某與知州某為慶祝失儀揭叅結搆年餘贊上下調護兩無所傷

侯鎮固

字拱北號龍田乾隆己酉舉人學問淵博經史人講說字梳句櫛口如懸河主講本邑書院從遊者數郡畢至學舍幾不能容知縣龔巽於書院左另闢

一門嘗潛赴院聽講教諸弟以科名顯旬固生員章固圻固皆舉人榮威富宜興文諸邑登第者半出其

門生平友教不倦卒前一日猶為門人點竄文藝二百年來邑中博學善誘無出其右者

吳達修

字可人號特菴性嗜讀書中乾隆壬子副榜後仍負笈從鄉先達遊嘉慶初舉孝廉方正力辭

不就道光甲申選蓬溪教諭在任六年善誘不倦遊其門者半掇巍科去更節錄禮部則例數十條徧示同學生平寡言笑絕晏遊不為私謁不尚侈靡居父母喪哀毀骨立待人忠厚嘗以有忍乃濟勉子孫子

騰蛟騰英姪騰霄同時入邑庠

張懷謙

字吉六乾隆戊午舉人學深養淳雖私居盛暑不解衣帶教人以身為軌範言不輕發有同邑

舉人朱映陽係同硯至交身故無嗣謙往弔苦勸其族為立嗣乃歸晚年知縣趙時聘為桂林書院山長循循善誘終年不履街市

歐登第

字金門歲貢生言動不苟盛暑不脫袍服知縣

人有詞訟未決者託以苞苴求通登第面斥之弟文整初生時母缺乳登弟令其妻張氏糊飼己女乳哺幼弟及長教以成名析居時所負債概身任之以不以累弟卒年七十有八

歐文整

字以暇歲貢生訓課嚴不計束脩厚薄親族貧

以成名今不克教其後嗣以報心殊抱歉病篤時呼姪銓近榻前出藏金與之囑其放借生息為送子讀書費卒年七十有四

歐銓

字公衡登第子事親孝飲食衣服必問所欲兩胞兄一遷琪邑一早喪諸姪有定婚不能娶者為之完配有孤弱不能立者亦苦為經營居親喪時值歲荒凡葬祭費皆獨任之魯醫不計貧富皆盡心調治

榮縣志

卷三十

人物志

行誼

六

子大容大章出就外傳雖貧不能備束脩而恭敬勤懇不少衰後大容副榜大章廩生

吳煌吳煇

煇字伯輝煇字含光俱庠生兄弟友愛根於天性出入必偕各養馬一獨出馬亦不行至

老猶常共枕席妯娌閒偶有詬諍聲兄弟同往寺中住家人往迎拒之曰吾弟兄至好豈可以婦人言亂吾耳如欲我弟兄歸須其娣姒和好親身來迎乃可後果相睦析產時煇讓煌曰兄子眾願以弟所分之屋與兄煌固辭親友等勸煌勿却以成弟美煌不得已受之嘉慶中知縣許源表其門曰雍睦一堂時有宦族叔姪爭訟源邀煌兄弟至署令與同居因感泣自息煌卒已屬續煇煇與同被宿一夜哭曰此後不得侍兄寢矣煇子健元貢生事母孝母疾祝天求代旋割股以進愈人謂孝友萃於一門

廖世璠

號燕溪增貢生幼讀書刻苦年二十三失怙不

朝亨朝通俱幼後朝亨又早卒遺子更幼兩世俱代理其家政教其讀書邑中公事賴以協理當事咸推重之延師教子姪忠敬有加卒年八十子四朝濬監生朝匯廩生朝淳增生朝澍從九

廖世琅

字琢堂世璠弟幼失怙勤耕作欲成兄讀書之志雖辛苦不使聞知能得母歡心使兄無內顧

憂用財必請見利不爭勗子讀書當明理毋徒為章句學族黨貧苦者助之入有告急者貸之不能償者

聽之自奉甚儉為子朝翼公車北上籌措資斧屢次數百金不之惜後其子道光乙未果成進士

藍應萬

字永賴輕財好義姪維茂貧憫之畀田一分計可出穀百餘石時里人艱於春粟萬修石碾

鄰里數十家挑粟就碾無虛日萬諭家人夜間乃白碾生平解衣推食事不可枚舉

藍春榮

號裕德應萬曾孫也少孤事孀母孝喜提攜親友族閒有因田產忿爭者極力勸解貧乏者授

田以耕不計租息好讀書尊師重道子甸川庠生旭川監生孫玉章瑾章俱舉人燦章煥章茂章俱庠生

蔚章曾孫世琛俱監生

丁暢陽

字含暉嗜詩書重節義嘗於旅店遇醉者遺其囊囊有重金慮為他人所獲拾而藏之俟其人

醒付還戒以後須節飲其人唯唯稱謝去年八十卒子光陸道光乙酉副榜

榮縣志

卷三十

人物志

行誼

七

王陞耀

幼隨父自峩眉徙仁壽復遷邑樂德鎮貿易致富念貧民死無歸買七垵子荒山為義塚又延

師教族之貧子弟其兄老而貧養生送死之費皆取給焉年登大耋五世同居子世勛孫家瑞曾孫席珍俱監生

吳其昌

字自忠監生性公直常以禮義訓族中子弟直言戒斥好讀書年七十後猶高聲朗誦不倦人

問何為答曰讀來生書耳後八十餘卒子冠祥歲貢生履祥孫國仁國興國颺俱庠生

吳兆昌

字自能監生性醇厚好讀書居家儉樸待宗族極厚橫逆不校不言人過他人言及亦不答借

貸不能償者聽之佃戶輸租歲稔亦不取盈人或侵越地界若罔聞知生平無一字入公門年八十卒孫

國炳增生

談訥

字敏功例貢生少孤母撫之成立性純孝族中有

火使就傅入邑庠者二鄉鄰不能舉火者卹之不能娶婦者助之他如施藥材修古渡諸舉尤難一二數

云

楊超字抑之號榮山庠生性至孝事繼母如所生居喪能盡禮生平友愛兄弟和睦鄉鄰年踰七十猶好學不倦每舉詩書為子孫勗妮妮不倦或語以他事則弗聽持家以節儉為主至處師友及子弟讀書之費毫不吝自名所居地曰三樹灣取樹德樹人樹木意也著有悔過論務本論訓後善守論孫厚基入郡庠

楊越字立羣號桂山庠生人有所不善面斥不諱退後不租歿後並給棺以葬歲早富者多閉糶待價越罄所有出糶不限升合不計價值人多賴以存活生平無隻字入公門鄉鄰有欲與訟者必極力排解晚年杜門不出課子弄孫以詩酒自娛今其子焯已入邑庠

楊章字來慶號吉庭廩生性剛方不苟言笑雖市井無賴見者必肅然起敬喜施予每量力飲助無吝容亦無德色教人以敦本崇實為主前後從遊數百人其中膏火無貲應試無措荷其曲成者指不勝屈以

榮縣志

卷三十一 人物志

六

故所得脩脯隨手輒盡痛幼失怙恃受祖撫育恩言及輒泣下講論語至子生三年節哽咽不能出口掩卷流涕者久之弟某繼叔後有覬覦其業者屢欲置之死章挺身護持幾遭荼毒弟始得免又叔某析居已久家落將攜眷徙滇有女許字某氏貧未能娶叔有背盟意諫之不從繼以跪泣叔意稍解曰如若言嫁奩須百金置辦爾能應則從爾言且以三日為期章亟歸謀諸妻丁氏丁故名家女識大義促章先往應隨拔釵典衣為備奩具竟異女至家嫁之其他宗支戚黨待以嫁娶喪葬者廿餘家弱冠時有艷妝婦來奔力拒之子清華庠生公華廩生孫大亨庠生

官文廣性剛直讀書觀大意不屑屑於章句謂人苟無益於時即博一衿叨一第猶沒沒也平居多為

人排解乾隆丁未以軍事運米瀘城冰霜寒苦任役者皆有難色文廣奮然曰此正吾輩報效處艱難險阻安所避之己酉知縣龔巽修聖廟特用之為董事厥後修鎖江橋培萬壽寺皆力杜欺侵之弊卒年九十有六六世同堂孫變理庠生

楊元仁

幼失怙恃家貧少讀書僅識字比長問字義於

勉孫詩云記取廣寒修月斧焚黃那及眼前真聞者
以為天籟生平喜行善事著有廣見論長樂歌戒食
牛犬文勸世人有忌食牛犬肉者輒長跪而獎勵之
記其名於簿計三千餘人鄉鄰有爭訟者必力為勸
解晚年與貴州周某善周為人傭工者也苦積百餘
金私以付元仁為身後計人無知者周歿元仁經理
喪葬畢以餘金一付貢井榮祿宮一付城內榮祿宮
暨木主於兩廟囑其同鄉春秋附祀不絕其不欺死
友如此孫詮韶年
入泮旋食餼入貢

楊維鴻

幼貧苦及衣食稍充有窮無告者便解囊相與
於杜家井雙河口獨力修橋費錢幾二百千其

子仍服苦
如故云

夏元珠

字懷溥身長七尺聲如洪鐘幼時貧乏幾不能
以進病旋愈姪仕朝卒其妻羅氏守節數年為之立
嗣張姓孤子貧無立錫給錢資其貿易族鄰有寡而

榮縣志

卷三十一

人物志

行誼

九

貧苦者給以錢米歿不能治喪者施以棺姪有遷居
他邑其墳墓亦代為立碑卒年九十有二

杜其進

田僅十數畝喜提攜親戚姪洪良零丁孤苦撫
之成立岳母余戴氏老邁多病內弟宗祥貧不
能養其進迎與同居周其衣食十餘年不倦後戴與
宗祥故治棺營壙之費皆妥為經理女婿王在鼈亦
貧苦令移與其爨負債代償並代養其翁姑外孫賓
五歲即令就傅力任脩脯薪米臨終時猶囑其子洪
聰須曲體已意聰果督賓學如故不數年賓由府案
入邑庠中間為賓完娶喪偶又續娶計一切費用不
下數百金毫無吝
色今其家漸豐裕

丁光儀

副榜光陸弟父暢陽病久
不痊儀割左股以進旋愈

鄒良

廩生學明季子母病篤良割股以進以香灰拭割
處毫無所苦後痲落其痕轉白

黃心恬

字棗園年十五母疾割股救愈兄故事嫂如母
撫姪如己出教養皆曲盡心力

龔德盛

字裕旃言動不苟孝友性成父母故後二三弟
求析居時四五六弟尚幼德盛潛然曰吾不撫

幼弟成立何以見先人於地下後諸弟俱長各有恆
產乃分爨弟將營新宅盛以己所得老宅與之生子
四

龔廷弼 德盛子例貢生兄弟四人晚年分爨弼依依不
舍泣然泣下越一日聚家人曉以敦睦至情復

與諸兄聚處十餘
年友愛初終如一

范曰相 字勉之家貧訓蒙為業館距家十餘里以母老
嗜甜味常買冰橘等物俟學徒睡盡時袖歸以

奉母甚得母氏歡心將近黎明身又到館矣蓋不歸
無以致諸母書歸又恐荒門人學也常焚香祝天為

母祈壽母八十餘歲卒哀毀至八日不食其師曹復
齋書慰之曰古喪禮三日而食教民無以死傷生毀

不滅性汝至八日無乃太過
乎次年亦卒年五十九歲

胡富恆 少失怙貧無立錐後力農致富喜施濟見文正
福樸而勤遂給田與耕竝假以器具薪米正福

漸積千金常語其子曰我家衣食皆胡公賜也招佃
不取重租歲飢劉淮慮納租不能充數富恆慰之日

榮 縣 志 卷三十 人物志 行誼 二十

虧吾可虧汝不可也親申中有鄧孔安藍奇勳苦歲
荒助錢以救之收債多讓利賣米升斗常浮於市人
多德之

劉漢鰲 生月餘失怙其母撫之成立讀書數年奉母家
居善治生數十年成巨富援例捐千總銜為母

請旌建坊又獨建宗祠詳立章程以垂久遠於五根
樹施義渡於宜賓苦竹壩修石橋貧不能葬者以棺

給之通計所費
在萬金以上

劉子鴻 八歲失怙常坐父墳側哭泣先是其父抱方姓
子為長後生鴻其兄常欲害鴻嫂陰庇之及長

與兄各爨兄家落鴻復隨時資助歿備葬具無吝又
收養陳劉二姓孤兒三人俱與婚配各給資本創建

古叢橋及補修長山橋兩
次費用竹木概係獨捐

蔡相達 幼失怙事母孝年五十七居母喪哭泣仍孺慕
兄欲各爨凡田業貨財聽兄自取弟早卒遺二

子二女俱幼代理其家事撫育教誨視如己子婦翁
楊昌裕家計漸窘遂以己田佃與耕種不取重租妹

適甯仁明貧不能立併給以田宅次女適姜姓極貧亦為之謀其衣食鄰里得其力者更指不勝屈

范坤洪元早歲出外親歿始歸堂叔宗維堂兄坤佐併

兩妹丈林某膝某皆貧甚洪不惜重費務使之各得其所提攜親戚鄧某賴某皆小康又施棺一百具併

勸其外姪鄧奇整亦施棺一百具見乞丐寒無衣者衣之年八十二卒子孫林立

楊田幼業儒中年家落將田業出售佃耕一載凡山

買至親送脫業錢二十千文却之日蒙君高義甚善

但吾子孫不才得此終歸於盡吾子孫若才正無須

此意外之財也卒不受惟以舌耕餬口子二長時茂

黃體位鄉壽山監生以團防保五品銜性孝友樂施與

呂鳴和號延溪文生極友愛品正行端年餘八旬猶能

郝干城武生性剛直不避嫌怨卒年八十鄉人稱之孫

榮縣志卷三十八人物志行誼

鄒學明字海山歲貢生學邃行端從遊甚眾於寒畯不

章皆出其門著

有步月山房稿

丁象賢號松亭歲貢生家貧一介不苟尤篤於倫常

丁聯卿從九品制行不苟慈惠樂施年七十三卒早歲

父失明服侍不離左右母余以九十五歲終

王安宇號石亭文生以團防保六品銜孝友樂善族弟

倡修牛峯若長山橋倉所及橋梁二處著有問月堂

詩稿為邑侯王公雪橋摘入聽雨樓隨筆作覺世真經

詩百餘首纂輯節烈合編

度世金錄書法正宗等書

胡錫昌字卜年性孝嗜書為祖母節孝請旌建坊母病

喪哀毀骨立子四次

維翰以廩生保教職

鄒志魁號極垣性剛直先是庶兄見讀書多費與之分

鬻獨忍讓不校遊庠後復和好如初著有婦女

一說曉要紫
世情等書

胡萬舉家貧七歲失怙母左氏改適舉以傭工貿易積

昌縣金川橋貧窘無依遂促裝迎養往返千餘里自

是夫婦定省有加歷三十餘年未嘗少拂母意母年

八十三卒喪葬如禮其後

張廷良監生業醫成家與弟析產能讓後弟貧姪幼令

好善樂施當脫禍果詰朝賊走得歸庶常廖朝翼組

以詩云阿爺被脅落羣狼子克尋親似壽昌自古善

龔朝楨字良材郡庠生性端謹不苟言笑仗義疎財教

刻善書興宣講敘家譜並輯龔氏家規為邑侯劉公

詹長卿字子昭從九品配羅氏三十患手足不仁卿無

其幼卿護衛之賴以安全每除日隨攜錢米濟方中

貧困延師不吝脩脯族姪崇立教嚴命其子謙從學

趙代儀號鳳喈監生性孝友嘗置日記錄功過顏書室

吳元祥字存恕監生事親孝好學明理童試屢列前茅

憚行遠往師義眉張某堪輿術生平極尊師重道尤

多排難解紛卒年七十五歲子四國儒監生國俊國

倫貢生國儀職員孫士毅世謙庠生曾孫濟川增生

永健廩生永康鎮川庠生元孫大藩庠生

曹象濬號東亭少家貧早失怙恃弱弟四皆濬與其妻

與諸弟平剖各稱小康其食指繫者尤析己產與之

聽其陸績補還原值少弟某受濬夫婦恩育最篤後

忽覲覲長二兩兄別墅義讓三分不允中分仍不允

認于官反獲咎焉自是濬傷衅起闕牆愈加友愛卒

感其弟悔悟子二長
極恩貢次掄武庠

榮縣志卷三十八人物志行誼

曹元謨

號曲溪少業儒試輒前矛性寬厚喜施與見鄰
里佳子弟無力讀書應試者多資助之負債難
償者焚其券傭工某嘗囊竊米二斗獲賊不忍發恐
敗伊名也久乃借他故遣之晚隱于市每春露秋霜
族中不能舉祀者悉以酒肉資其血食尤篤于倫理
昆季毫無間言卒年七十一子俊亮癸丑進士柱亮
從九棟亮監生孫熙附
貢生克隆克陞俱監生

吳語秩

號雲菴事孀母孝行誼自期許胞弟語純故遺
腹子邁奇疾攜同寢饋察湯藥十年不怠成立
授室博母心歡析居後代生計第家較裕焉誠子姪
無阿臨如嚴父好讀書館師于家數年未嘗先師寢
禮賢士貲寒儒不吝同里孫生羅生藉惠以遊庠全
節孝事尤多家未及中人產也鄰有售田者陰摘畝
可數百金與贖宿券曰若固不悉吾界適公接壤請
以貸正色拒之售者恚不償不之較精青衣術妥先
靈皆得佳兆財力均無分任云邑進士曾省三傳其
畧如此配李氏兩次割股受旌子江春廩生江璜
泰庠生

榮縣志

卷三十一 人物志

行誼 三

廖朝翼

字東崖品正行端學優養粹不樂仕進隱於家
孝事繼母目瞽重明人謂孝感所至尤尊師恤
其貧乏嘗王講本邑及鄰邑嘉郡等書院生徒數百
人成就者眾著寶硯齋文稿及四書音畫略辨覺世
經試帖等書乙
亥重遊泮宮

楊光宗

少失怙家赤貧兄光元曠達不事生業宗以備
出返乃為兄置業而撫族間一子嗣之及兄感悟
歸得溫飽終身

黃仕朝

娶傅乾沅女夫婦善事繼母越六載妻故朝年
二十三歲遂以鰥居撫子民上民有提攜背負
備歷艱辛卒

劉純杰

字鵬九邑庠生家酷貧義命自安守身無玷幼
試童軍有聲年餘三十未婚賈志以沒人咸惜之

郝映清

字江亭邑恩貢生篤於孝友教讀五十餘年多
所成就著有初學淪靈文集沾既後學

劉榮山

字海三性端慤屢試未售課徒於鄉必詳細引
導里中雀角尤善排解鄰有侵地不與校瞽姪

無所歸為收恤之族有孀而貧為佃業居耕以全其節卒年七十六子三炳勛舉人建勛庠生

張敦敘

號一心為人光明磊落落好施與尤善排難解紛

練軍餉及修橋補路無不捐貲助成前縣主獎給匾

馬應祥

增生號甫田以善書名凡邑中祠廟樓閣多所

其季述融恩貢生部選訓導孫宗常例授縣丞燕高

詹崇

字季高號長坡邑增生性孝友剛正矩步規行雖

隨流俗分爨後兄家貧落恆分財與之恤諸貧姪如

己子族黨爭端罔不善為排解平生樂善不倦遇上

等論性理中等講因果非不入城市授經梓里以

敦實行為務生徒貧者不受脩脯更助筆墨貲故裁

成甚眾集有廣聞錄學統纂要等書壽六十九無疾

而終

孝子

簡朝揚

家貧為人傭作事親孝母病篤割股救愈今家小康子孫亦誠樸

朱宗旦

家貧訓蒙為業父得痼疾親視醫藥不遺餘力母李年八十多病宗旦辭館侍奉不入寢室者

年五

漆富長

家貧託業場市粗讀書識字而庸德庸行有堅

藥親歿廬墓盡哀肫肫切摯無絲毫勉強飾雖士夫亦未能或之先云

鄒崇義

鄒于賢子性素孝母吳病篤割股救愈援例從

丁廷仕

玉祥長子事父母能博歡心其祖母病廷仕侍奉湯藥復焚香割股救愈

李國璜

儒學給匾旌之有詩詳藝文志

林文宗

母曾病篤割股救愈

榮

縣志

卷三十 人物志

孝子

三

曾貴普

母羅威邑進士羅珍姪女嘗病篤貴普割股救愈

吳健元

事親至孝母病籲天求代割股救愈先是父煇與伯父煌甚友愛詳載志乘蓋孝友萃于一門

羅仲春

開芹子父故時仲春始生三月稍長能承母歡嘗病甚仲春嘗其糞甘焚蔬祝天願減已年以益母

算越數日病良已久之母病目盲仲春為餽之三日

復明

吳超凡

事親有至性訓蒙一本朱子小學為養正先資子會中咸豐乙卯舉人

張廷瑞

立炳養子家貧業幾器積貲養父尤念兩伯無子嘗給養之兩伯歿後賴瑞葬埋凡出外營工

數日輒一歸省遠則不去父年八十餘嘗焚香具疏以祈父壽至今家亦小康

周懷亮

文琳子品行端正取予不苟母病必親侍湯藥十餘年不倦時父亦衰老飲食必市珍味奉之

及父母歿哀毀逾常祭葬盡禮備父母生辰忌日輒悲泣不能自已歷久恆如一日現年五十一歲

李之楨 李元美子係邑增生同治十三年 旌

李啟祥 李文開次子以家貧廢讀就耕供養父母母卒

事汝祖母汝可以毀死乎祥乃進飲粥未幾父又病

篤百方罔效乃割股和藥救愈逾年始卒事祖母吳

李萬洪 李林鳳次子其先家貧擔負營生後以力耕致

洪持家公正儉約而於母氏之飲食衣服不少吝惜

母嘗患病洪於朔望必焚香拜祝以祈母壽今母年

童 潘業歧黃術父病危醫藥罔效藩割股和藥以進

楊元郁 國倫庶子甫十歲而孤嫡母方氏得痿痺症郁

躬親之十餘年無煩苦意居母喪哀毀骨立祭葬如

榮 縣 志 卷三十 人物志 孝子 二九

劉國鎮 劉應鬻子六歲失恃繼母吳生一子二女鎮委

趨往迎至宅右塘邊見父跌入水中鎮奮不顧身跳

入拯救反與父同溺 胡華酉 殉難監生胡安善子幼讀書識大義咸豐庚申

至拚身救父手 殺數賊死之 吳世重 庠生國仁子母病篤割股救愈後母歿喪葬皆

如禮且不以所費累諸兄人咸稱之

義士

李正達

天和孫殺賊陣亡例授軍功

王香馥

咸豐庚申滇匪竄擾殺賊豹子山死之

鄒尙義

監生讀書嫻武事雅好琴咸豐庚申滇逆擾境集團於觀音灘禦賊殺賊頗多及賊大至復力

戰胸次受傷與姪立達俱死之

張星點

生平正直庚申滇逆亂被擄於天堂寺罵賊不屈死

胡安善

號益園監生富恆孫性剛直好義不欺咸豐庚申五月二十八滇逆竄境率眾擊賊於烟燉巖

被執大罵不屈死年五十八其次子華西亦死焉

黃朝定

讀書識大義咸豐庚申四月十三日滇匪擾境朝定率團丁百餘人據燕子巖截堵黎明賊至

數賊奪其拾鎗繼因眾寡不敵團丁散走朝定與鐵

榮

縣志

卷三十八人物志

義士

三

匠力戰死之

彭鎮國

監生辛酉四月初六日在白廟寺遇賊不屈死時年三十七歲

黃體琛

通經史知兵咸豐間李逆竄擾常帥鴉雀冲團而自與眾據亂石山避賊者盡納登山頂婦女居多

使以長帕蒙頭伐竹為矛繫裙為旗山後多燒草煙

以為疑兵賊直攻山眾皆失色琛曰無擅動乃命謝

竹亭舞大旗東西指顧似指埋伏狀賊遂退奔鎮西

場後以多寡不敵陷於賊不屈死

